

হাদিস শরিফের আন্দোকে



সৃষ্টির শুরু : নূরে মোহাম্মদীর (দঃ) সৃষ্টি রহস্য ও প্রকৃতি

অনাদি ও অনন্ত স্বভা আল্লাহ রাব্বুল আলামীন যখন একা ও অপ্রকাশিত ছিলেন, তখন তাঁর আত্মপ্রকাশের সাধ ও ইচ্ছা জাগরিত হলো। তখন তিনি একক সৃষ্টি হিসেবে নবী করিম (দঃ)-এর নূর মোবারক পয়দা করলেন এবং নাম রাখলেন মোহাম্মদ (দঃ) (কানজুদ্দাকায়েক ইমাম গাজ্জালী)। সেই নূরে মোহাম্মদীর সৃষ্টি রহস্য ও প্রকৃতি সম্পর্কে স্বয়ং নবী করিম (দঃ) মারফু মুত্তাসিল হাদীসের মাধ্যমে পরিষ্কার ব্যাখ্যা করে গেছেন। উক্ত হাদীসটি বর্ণিত হয়েছে রাসূলে পাক (দঃ) এর একনিষ্ঠ খাদেম ও মদিনার ৬নং সাহাবী হযরত জাবের ইবনে আবদুল্লাহ (রাঃ) কর্তৃক। উক্ত হাদীসটি প্রথম সংকলিত হয়েছে “মোসান্নাফ আবদুর রাজ্জাক” নামক হাদীস গ্রন্থে। মোহাম্মদেস আবদুর রাজ্জাক ছিলেন ইমাম বোখারী (রাঃ)-এর দাদা ওস্তাদ। পরবর্তীতে উক্ত গ্রন্থ হতে অনেক হাদীস বিশারদগন নিজ নিজ গ্রন্থে হাদীস খানা সংকলিত করেছেন। যেমন— ইমাম কুস্তুলানী (রহঃ) তাঁর রচিত নবী করিম (দঃ)-এর জীবনী গ্রন্থ ‘মাওয়াহেবে লা দুন্নিয়ায়’ উক্ত হাদীসখানা সংকলন করেছেন। মিশরের আল্লামা ইউসুফ নাব্বহানী তাঁর রচিত আনওয়ারে মোহাম্মাদীয়া নামক আরবী গ্রন্থেও উক্ত হাদীস খানা উল্লেখ করেছেন। নবী করিম (দঃ) এর সৃষ্টি রহস্য সম্পর্কে এই হাদীস খানা স্বব্যখ্যাত এবং বিস্তারিত। তাই বিজ্ঞ পাঠকের সামনে আমরা উক্ত হাদীসখানার অনুবাদ তুলে ধরছি। এ রেওয়য়াত ছাড়া অন্যান্য রেওয়য়াত অসম্পূর্ণ, অস্পষ্ট ও খণ্ডিত এবং উসূলে হাদীসের মাপকাঠিতে অনির্ভরযোগ্য বা মারজুহ। হাদীসখানা নিম্নরূপ :

رَوَى عَبْدُ الرَّزَّاقِ بِسَنَدِهِ عَنْ جَابِرِ بْنِ عَبْدِ اللَّهِ رَضِيَ اللَّهُ عَنْهُ قَالَ

قُلْتُ يَا رَسُولَ اللَّهِ بِأَبِي أَنْتَ وَأُمِّي أَخْبَرْنِي عَنْ أَوَّلِ شَيْءٍ خَلَقَهُ اللَّهُ تَعَالَى

قَبْلَ الْأَشْيَاءِ قَالَ يَا جَابِرُ إِنَّ اللَّهَ تَعَالَى خَلَقَ قَبْلَ الْأَشْيَاءِ نُورَ نَبِيِّكَ مِنْ

نُورِهِ فَجَعَلَ ذَلِكَ النُّورَ يَدُورُ بِالْقُدْرَةِ حَيْثُ شَاءَ اللَّهُ تَعَالَى وَلَمْ يَكُنْ

فِي ذَلِكَ الْوَقْتِ لَوْحٌ وَلَا قَلَمٌ وَلَا جَنَّةٌ وَلَا نَارٌ وَلَا مَلَكٌ وَلَا سَمَاءٌ وَلَا أَرْضٌ

وَالْأَشْمَسُ وَالْأَقْمَرُ وَالْأَجْنِيُّ وَلَا أَنْسَى فَلَمَّا أَرَادَ اللَّهُ تَعَالَى أَنْ يَخْلُقَ
 الْخَلْقَ قَسَمَ ذَلِكَ النُّورَ أَرْبَعَةَ أَجْزَاءٍ فَخَلَقَ مِنَ الْجُزْءِ الْأَوَّلِ الْقَلَمَ وَمِنَ
 الثَّانِي اللَّوْحَ وَمِنَ الثَّلَاثِ الْعَرْشَ ثُمَّ قَسَمَ الْجُزْءَ الرَّابِعَ أَرْبَعَةَ أَجْزَاءٍ
 فَخَلَقَ مِنَ الْجُزْءِ الْأَوَّلِ حَمَلَةَ الْعَرْشِ وَمِنَ الثَّانِي الْكُرْسِيَّ وَمِنَ الثَّلَاثِ
 بَاقِيَ الْمَلَائِكَةِ ثُمَّ قَسَمَ الْجُزْءَ الرَّابِعَ أَرْبَعَةَ أَجْزَاءٍ فَخَلَقَ مِنَ الْأَوَّلِ
 السَّمَوَاتِ وَمِنَ الثَّانِي الْأَرْضِينَ وَمِنَ الثَّلَاثِ الْجَنَّةَ وَالنَّارَ ثُمَّ قَسَمَ
 الْقِسْمَ الرَّابِعَ أَرْبَعَةَ أَجْزَاءٍ فَخَلَقَ مِنَ الْأَوَّلِ نُورَ أَبْصَارِ الْمُؤْمِنِينَ وَمِنَ
 الثَّانِي نُورَ قُلُوبِهِمْ وَهِيَ الْمَعْرِفَةُ بِاللَّهِ تَعَالَى وَمِنَ الثَّلَاثِ نُورَ أَنْسِهِمْ
 وَهُوَ التَّوْحِيدُ لَا إِلَهَ إِلَّا اللَّهُ مُحَمَّدٌ رَسُولُ اللَّهِ -

অর্থ : “ইমাম আবদুর রাজ্জাক (ইমাম বোখারীর ওস্তাদ) তাঁর সনদ ও সূত্র
 পরম্পরায় বিশিষ্ট সাহাবী হযরত জাবের ইবনে আবদুললাহ (রাঃ) হতে বর্ণনা
 করেছেন। হযরত জাবের (রাঃ) বলেন— আমি আরজ করলাম, হে আল্লাহর রাসুল
 (দঃ)! আপনার উপর আমার পিতা-মাতা উৎসর্গিত, আল্লাহ তায়ালা সর্বপ্রথম কোন্
 বস্তুটি সৃষ্টি করেছেন? তদুত্তরে নবী করীম (দঃ) বললেন— “হে জাবের, আল্লাহ
 তায়ালা সর্ব প্রথম সমস্ত বস্তুর পূর্বে ‘আপন নূর হতে’ তোমার নবীর নূর পয়দা
 করেছেন। তারপর আল্লাহ তায়ালা ইচ্ছানুযায়ী ঐ নূর পরিভ্রমণ করতে লাগল। ঐ
 সময় না ছিল লাওহে-মাহফুজ, না ছিল কলম, না ছিল বেহেস্ত, না ছিল দোজখ, না ছিল
 ফিরিস্তা, না ছিল আকাশ, না ছিল পৃথিবী, না ছিল সূর্য, না ছিল চন্দ্র, না ছিল জ্বীন
 জাতি, না ছিল মানবজাতি। অতঃপর যখন আল্লাহ তায়ালা অন্যান্য বস্তু সৃষ্টি করার
 মনস্থ করলেন, তখন ঐ নূরকে চারভাগে বিভক্ত করে প্রথম ভাগ দিয়ে কলম, দ্বিতীয়
 ভাগ দিয়ে লাওহে-মাহফুজ এবং তৃতীয় অংশ দিয়ে আরশ সৃষ্টি করলেন। অবশিষ্ট এক
 ভাগকে আবার চার ভাগে বিভক্ত করে প্রথম ভাগ দিয়ে আরশ বহনকারী ফিরিস্তা,

দ্বিতীয় অংশ দিয়ে কুরসি এবং তৃতীয় অংশ দিয়ে অন্যান্য ফিরিস্তা সৃষ্টি করলেন। দ্বিতীয় চার ভাগের অবশিষ্ট এক ভাগকে আবার চার ভাগে বিভক্ত করে প্রথম ভাগ দিয়ে আকাশ, দ্বিতীয় ভাগ দিয়ে জমিন (পৃথিবী) এবং তৃতীয় ভাগ দিয়ে বেহেস্ত ও দোজখ সৃষ্টি করলেন। অবশিষ্ট এক ভাগকে পুনরায় চার ভাগে বিভক্ত করে প্রথম ভাগ দিয়ে মোমেনদের নয়নের দৃষ্টি- নূর, দ্বিতীয় ভাগ দিয়ে কলবের নূর তথা আল্লাহর মারেফাত এবং তৃতীয় ভাগ দিয়ে তাদের মহক্বতের নূর তথা তাওহীদী কলেমা 'লাইলাহা ইল্লাল্লাহ মোহাম্মাদুর রাসুলুল্লাহ' সৃষ্টি করলেন"। (বাকী অংশ থেকে অন্যান্য সৃষ্টি জগত পয়দা করলেন)। -মাওয়াহেব

উক্ত হাদীসে বর্ণিত 'মিন নূরিহী' শব্দটির ব্যাখ্যায় মোল্লা আলী ক্বারী (রহঃ) মিরকাত শরীফে লিখেছেন- আয় 'মিন লুমআতে নূরিহী' অর্থাৎ আল্লাহ তায়ালা আপন জাতি নূরের জ্যোতি দিয়ে নবীজীর নূর পয়দা করেছেন। মুজাদ্দেদ আলফেসানী (রহঃ) মকতুবাত শরীফের ৩য় খন্ড ১০০ নম্বর মকতুবে বলেছেন, আল্লাহ তায়ালা তাঁহাকে স্বীয় নূরধারা সৃষ্টি করেছেন।

অন্য এক হাদীসে হযরত আলী ইবনে হোসাইন ইবনে আলী (রাঃ) তাঁর পিতা ও দাদার সূত্রে নবী করীম (দঃ) থেকে বর্ণনা করেছেন। নবী করীম (দঃ) এরশাদ করেছেন—

كُنْتُ نُورًا بَيْنَ يَدَيْ رَبِّي قَبْلَ خَلْقِ آدَمَ بِأَرْبَعَةِ عَشَرَ أَلْفَ عَامٍ -

অর্থ : "আমি (নবী) আদম সৃষ্টির চৌদ্দ হাজার বৎসর পূর্বে আমার প্রতিপালকের নিকট নূর হিসেবে বিদ্যমান ছিলাম"। (ঐ জগতের একদিন পৃথিবীর এক হাজার বৎসরের সমান)। অংকের হিসাবে ৫০৪,০০,০০০০০ (পাঁচ শত চার কোটি) বৎসর হয়। বেদায়া ও নেহায়া এবং আনুওয়ারে মোহাম্মদীয়া গ্রন্থ সূত্রে এই হাদীসখানা উদ্ধৃত করা হল।

তাফসীরে রুহুল বয়ান সূরা তওবার শেষ আয়াতের তাফসীরে

لَقَدْ جَاءَكُمْ رَسُولٌ

"তোমাদের নিকট এক মহান রাসুলের আগমন হয়েছে"— প্রসঙ্গে নবী করিম (দঃ) কোথা হতে আসলেন- সে সম্পর্কে হযরত আবু হোরায়রা (রাঃ) থেকে একটি হাদীস বর্ণনা করা হয়েছে।

عَنْ أَبِي هُرَيْرَةَ أَنَّهُ عَلَيْهِ السَّلَامُ سَأَلَ جِبْرِيلَ عَلَيْهِ السَّلَامُ فَقَالَ
يَا جِبْرِيلُ كَمْ عُمُرَكَ مِنَ السِّنِينَ - فَقَالَ يَا رَسُولَ اللَّهِ لَسْتُ أَعْلَمُ غَيْرَ أَنَّ
فِي الْحِجَابِ الرَّابِعِ نَجْمًا يَطْلَعُ فِي كُلِّ سَبْعِينَ أَلْفَ سَنَةٍ مَرَّةً - رَأَيْتَهُ
إِثْنِينَ وَسَبْعِينَ أَلْفَ مَرَّةً فَقَالَ يَا جِبْرِيلُ وَعِزَّةَ رَبِّي أَنَا ذَلِكَ الْكَوْكَبُ -

“একদিন হযরত জিব্রাইল (আঃ) কে কথা প্রসঙ্গে নবী করীম (দঃ) তাঁর বয়স সম্পর্কে জিজ্ঞাসা করলেন। তদুত্তরে হযরত জিব্রাইল (আঃ) বললেন— আমি শুধু এতটুকু জানি যে, চতুর্থ আকাশে একটি উজ্জ্বল তারকা ৭০ হাজার বৎসর পর পর একবার উদিত হত। অর্থাৎ সত্তর হাজার বৎসর উদিত অবস্থায় এবং সত্তর হাজার বৎসর অস্তমিত অবস্থায় ঐ তারকাটি বিরাজমান ছিল। আমি ঐ তারকাটিকে ৭২ হাজার বার উদয় হতে দেখেছি। তখন নবী করীম (দঃ) বললেন খোদার শপথ, আমিই ছিলাম ঐ তারকা”। মুসলিম শরীফ হযরত আবু হোরায়ারা (রাঃ)।

রাসুল করীম (দঃ)-এর সৃষ্টি রহস্য এত গভীর যে, আল্লাহ ছাড়া আর কেউ প্রকৃত অবস্থা জানে না। ওহাবী সম্প্রদায়ের নেতা দেওবন্দ মাদ্রাসার প্রতিষ্ঠাতা মাওলানা কাশেম নানুতবী সাহেব নবী করিম (দঃ) -এর বাহ্যিক আবরণের ভিতরে যে প্রকৃত রূপটি লুক্কায়িত ও রহস্যাবৃত রয়েছে, তা মুক্ত কণ্ঠে স্বীকার করেছেন এভাবেঃ-

رها جمال په تیره حجاب بشریت - ورنه جانا کسه نے تجھے

بجز ستار -

অর্থঃ “হে প্রিয় নবী (দঃ)! আপনার প্রকৃত রূপটি তো মানবীয় দেহের আবরণে ঢাকা পড়ে আছে। আপনাকে আপনার গোপনকারী ও আবরণকারী প্রভু ছাড়া অন্য কেউই চিন্তে পারেনি”।

এখানে স্মরণ রাখা প্রয়োজন যে, রাসুল করীম (দঃ) -এর রূপ তিনটি। যথা— ছুরতে বাশারী, ছুরতে মালাকী ও ছুরতে হককী। (তাফসীরে রুহুল বয়ান ও তাফসীরে কাদেরী)। সাধারণ মানুষ শুধু দেখতে পায় বশরী ছুরতটি। অন্য দুটি ছুরত খাস লোক ছাড়া দেখা সম্ভব নয়।